

Таңнап көргем
 тигір чазынын.
Таңнап тыңнаам
 аның сузында
Пызып турған
 астың сарынын.
Таңнаабын мин
 өкпең иирлерні,
Чир тобырған
 часхы көк отты,
Чилегеліг
 муғуй сиирлернең,
Холнаң чіли,
 чирні хуцахтаан
Күгүрт сапхан
 Алып көк тытты.
Хайдағ даа күс
 аны хақан даа
Хоор пу чирнің
 көксінең
Ходыр полбас осхас
 пілдірген.
Көргебін мин
 ызых иреезін —
Толғағдағы тойын іценің,
Көп илестең
 кізі төреенін,
Ах чарыхты
 таңнап көргенін.

Таңнаабын мин чылтыс көйгенін,
 Өріністіг чолын
 сілігнің.
Таңнаабын мин
 чуртас сілігін,
Өлім пілбес
 ізін кізінің.
Полған на үлүс —
Успас чарых сус —
Чыллар тобыра
Түрлир хоолада.
Минің ырымда —
 Аймах үлүстер,
 Салыхпас түстер.
Пірдеезінеңер
 повесть тіп паспаам.
Пірде ямб чіли,
 молатнаң таптаам,
Пірде саң чіли,
 сарын сыңыраан.
Пір дее нимені
 сағынып таппаам,
Сағыс ханады
 сарыным таптаан.

ЯМБТАР

Пазох сирти чатхан хылларын
Амғы көглеріме чазим, .

Күнзер көп салылған чолларның
Ис-тыс пирбеен ізін көглим.
Таптаан на ямб чіли, саңнаандағ
Көк тимір рельсалар сілии,
Аран-чула ады ла ойнаандағ —
Көк поезд сиілініп парир.
Көк поезд хоолапча, вокзаллар
Халча, ноған от пызыңни,
Көрче сараачылап обаалар,
Күргеннер чирінең таңни.
Чолами өөрліг хазыңнары,
Ах пора аттарым на чіли,
Турлар күр көгісче оттары,
Көгліг пүктерде көлбеңни.
Чылығ сүрееліг дее көстері,
Көк пора хы-ыйт ла теен чіли,
Чилбен турчалар чиліннерін,
Чикпек чиллерні сағырли.
Хақан-да наа чурт хыраларын
Тартхан аттар ла осхастар,
Оңмас көк тиңіс тайғаларның
Сілии — ах көгіс хазыңнар.
Көк пора паарсах сағырлаанын
Ойлидыр сизінген чіли.
Хара чир төдір чачыраандағ,
Хада хан тигірі ойли.
Ах ханы полып, чарых оды,
Ах тамыр эемекте хайни,
Көк пора чолын чоллап одыр,

Көк тигір төзінзер ыри.
Хайда хайа-тастар муң пудын
Чайаан чир өөрлеске тастаан,
Иртчебін Козин Виадугын¹
Молат хылларнаң сыңыраан.
Алты, кил, пирік тасхыл холы,
Пүлес ораалча тубаннар.
Харап, харах читчее чир чоғыл,
Чир чабыс ораалча андар.
Исчем, нымаанда ағаларның
Андағ чир чабыс пиріксер
Чахсы чайааннарның харғаанаң
Түсчең хай алып-күлүктер —
Өкіс, ирееліг хулуннарны
Пір дее ат сині өскірбеен;
Иксеп ах чарыхтың чолларын
Чахсаа, чахсы идіп, читірбеен.
Тастың таңнастығ одын сағып,
Тиксі ах чарых алнында
Ине чайаан чирнең ах сағыс
Алтаан чир чабызын анда,
Хайда таңнарның нымырт өңі
Сөрөн тағларда палыңнаан,
Чахсаа чайалған кізі көөлі
Молат сілиінде чалбыраан.
Хайда-да ааллар, город чоны,
Түбен-пасха чылтыс сани,

¹ Виадук — тахта.

Хайхап көрчелер аттың чолын,
Хыроның чолын на чіли.

Ат, чолға тилиніп кістеендег,
Туйғаанаң сағын чачыри,
Килер төллерінің чүреенде
Махачы көөнең яңыли.

Молат, бетоннығ тахталарнаң
Ноо-ноо чир соолап кичіглер,
Ах харқа арығ тахпахтарнаң
Толғи ал-соон чикпек чиллер.
Сойан чир пөзии тасхылларын
Хартығаца хаалап, ол түрлеен,
Сибирь хыролығ хыйаннары
Соғлығ хамаан аның өртеен.
Чирде чүс азырли чоллары,
Ағбан-Тайшет ле чалғызан.

Чир-суумның чиидінің холлары
Чітпес кип-чоох сілиин таптаан.
Полған на чиит кізі чүреенде,
Чонға чахсы идіс чалбыри,
Чирде пірее хати төреенде
Ағбан-Тайшединөк тілир.

.....
Көк пора чолын чайхап одыр,
Хосхарда күүлек чил чіли,
Көк чазаа сыылап, күүлеп одыр,
Ах наңмыр чаап түскен чіли.
Ах суур аға-ууцалар алғидыр,
Айран-сых наньп чолына:

— Чирде чахсаа адох төридір, —
Тісче, көстерін чызына, —
Париған чолың азых ползын,
Чайалғаның пөзік ползын,
Хы-ыйт, Көк пора, хоолап одыр
Чүзер чылларның алнына.

АНПУС ЧАЦА

Көк пора көөлбек чортып одыр,
Көк тигір төзінзер ыри,
Көбөк чоннарға ырыс полып,
Пос хоньх одын хайралли.
Солдаттың аарластығ ах ибі
Күнге, кил, сағыл турыпча.
Анпустаң соолбас изі-сибі —
Ах төрліг аарлығ турацаа.
Иртче чыллары турацаанда,
Порт-порт хайнидыр көдезее,
Ам төреен наа айға чапсаандағ,
Көгліг үрчедір Көктірее.
Хынған хониин ол пызып одыр,
Тойға сын торғызын чіли,
Чыллар чібеенең сыглап одыр,
Алтын иргеенең не чіли.
Ойиин ойып,
Оң иңнін азыра тасты,
Пысчаан пызып,
Көп сағыснаң сини.